




PAC: PAGOS DIRECTOS MANUAL PRACTICO

2015-2020

NPB: ORDAINKETA ZUZENAK GIDALIBURUA



Eguneratze-data:
2015/02/15

5. OINARRIZKO ORDAINKETAREN ERREGIMENA

5.1. Nork jaso dezake oinarrizko ordainketaren erregimenari dagokion ordainketa?

Oinarrizko ordainketa jasotzeko eskubidea izateko, nekazariak

- a) Oinarrizko Ordainketarako Eskubideak eduki behar dituzte, jabetza-, gozamen- edo alokairu-erregimenean.
- b) Eskaera bakarria aurkeztu behar dute, ordainketa jasotzeko baliatu nahi diren Oinarrizko Ordainketarako Eskubideak barne.

Laguntza-eskubideak esleitu diren eskualdean aktibatu ahal izango dira soilik, eskaera bakarria aurkezteko mugaegunean eskuragarri dauzkan nekazariaren eskutik, edo lagapen bidez edo eskubide berriak esleituta egun horrez geroztik jasotzen dituen nekazariaren eskutik. Salbuespenez, 2015. urteari dagokion eskaera bakarria aurkezteko aldi, esleitutako oinarrizko ordainketarako eskubideen berri ez duen nekazariak eskaeran adieraziko du kanpaina horretan esleitutako eskubide guztiengatik ordainketa eskatzen duela.

- c) Hektarea onargarri batekin justifikatu behar dute eskatutako ordainketarekin zerikusia duen laguntza-eskubide bakoitzeko.

Eskubide bakoitza eskualde jakin bati esleitu zaio 2015ean, eta eskualde horretan bakarrik aktibatu daiteke.

**Oinarrizko
Ordainketa jaso
ahal izateko
gutxieneko muga
0,2 ha da.**

5.2. Zer azaleraren gainean aktibatu daitezke Oinarrizko Ordainketarako Eskubideak?

Oinarrizko ordainketarako eskubideen aktibazio-xedeetarako, hektarea onargarriak izango dira ustiategiko nekazaritza-azalerak, txandaketa laburreko baso-landareekin landatutako azalerak barne, nekazaritzarako erabiltzen direnak zein, nekazaritza bestelako jardueretarako ere erabiltzen badira ere, nagusiki nekazaritzarako erabiltzen direnak. Ustiategi bateko nekazaritza-azalera bat nekazaritzakoak ez diren beste jarduera batzuetarako ere erabiltzen bada, bereziki nekazaritzarako erabiltzen dela hartuko da aintzat baldin eta nekazaritzakoak ez diren jardueren intentsitateak, izaerak, iraupenak edo egutegiak nekazaritza-jarduera nabarmen oztopatzen ez badute.

Laguntza-eskubideak justifikatzeko erabilitako hektarea onargarrien nekazaritza-lurzatiak nekazariaren eskura egongo dira, jabetza-, gozamen- edo alokairu-erregimenean, edo herri-ondasun bat kudeatzen duen herri-agintari batek esleituta, laguntza eskatzen den urteko maiatzaren 31n.

Onargarrizat jotzen dira, halaber, 2008an Ordainketa Bakarreko Eskubideak justifikatzeko erabilitako azalera eta paisaiaren elementu jakin batzuk, dagoeneko onargarri ez direnak Uraren Esparru Zuzentaraua, basa-hegaztiak kontserbatzeko Zuzentaraua edo habitat naturalak eta basa-fauna eta -loreak kontserbatzeko Zuzentaraua aplikatu ondoren; Nekazaritza Bideratzeko eta Bermatzeko Europako Funtsaren eskura basotutako azalera jakin batzuk, eta nekazaritza- eta ingurumen-neurriak direla medio produktotik kanpo utzitako azalerak.

Larren onargarritasun-koefizientea kontuan hartzekoa da; beraz, larre iraunkorren esparru baten gehieneko azalera onargarria esparruaren guztizko azalera izango da, koefiziente horrez biderkatuta.

5.3. Laguntza-eskubideak aktibatzea

Laguntza-eskubide aktibatuak izango dira 2015ean esleitu zitzaizkion eskualdean justifikatuta daudenak eskaera bakarrean.

Laguntza-eskubideak aktibatu ahal izateko, lehenik eta behin zenbateko handieneko laguntza-eskubideak baliatu direla hartuko da aintzat. Balio berdina duten laguntza-eskubideen artean, erabilera erabakiko da zenbaki-ordenaren arabera.

Nekazariak aktibatu daitezkeen laguntza-eskubide oso guztiak aktibatu ostean, hektarea zati bat adierazten duen nekazaritza-lurzatiari lotutako laguntza-eskubidea erabili behar duenean, azkeneko laguntza-eskubide horrek nekazaritza-lurzatiaren tamainarekiko proportzionalki kalkulaturako laguntza jasotzeko legimitatuko du, eta oso-osorik erabilia dagoela ulertuko da.

Bi urtez segidan Oinarrizko Ordainketarako Eskubideak erabiltzen ez badira, Erreserba Nazionalari eskualdatuko zaizkio.

Oinarrizko ordainketarako eskubideengatikoa laguntza-eskatzaile batek bi urtez segidan eskubiderik aktibatzen ez badu, eskubide horiek Erreserba Nazionalari eskualdatuko zaizkio.

5.4. Erretiratuak ordainketa zuzenen onuradun izan al daitezke?

Erretiratuak nekazaritzan jardun dezakete eta NPB jaso Gizarte Segurantzaren araudiak ezarritako muga barruan.